

# LA PUNT



## Infuormaziuns

da la corporaziun evangelica  
Ardez-Ftan-Guarda



## FAVRER, MARZ ED AVRIGL 2023

### Collecta annuala 2023

#### **Caboz Action: Sustegn per pauras e paur da cacau a la Côte d'Ivoire**

Il consistori da nossa corporaziun ha decis da cuntinuar da sustegner l'organisaziun CABOZ Action cun la collecta annuala 2023.

CABOZ Action es üna società independenta d'util public chi'd es gnüda fundada dal 2012. Il böt da la società es da meglrar las cundiziuns da viver da famiglias chi prodüan cacau in cumüns rurals da la Côte d'Ivoire, il pajais chi furnischa daplü co ün terz da la produenziun mundiala da cacau. Las prioritats da CABOZ Action sun il provedimaint dad aua da baiver, sandà, scolaziun d'uffants e creschüts, egalità da drets ed empowerment da duonnas.

Cun la collecta da l'on passà e grazcha eir ad otras donaziuns esa gratià da ramassar avuonda raps per finanziar ün implant dad aua da baiver pel center da sandà a Zougou chi pissera pel provedimaint da chüra




medicinica per persunas da 70 cumüns illa regiun da Soubré. Impustüt illa stagiun süta nu bastaiva il bügl existent pella chüra da las paziaintas e'ls paziaints. La spranza es cha'l nouv implant po spordscher avuonda aua netta pella clinica a partir da la prosma prümavaira. La construcziun da la pompa d'aua cumainza tanter favrer e marz.

Las persunas chi's vezza sülla fotografia fuorman il comitè d'aua chi surpiglia la respunsabilità per la pompa d'aua a Zougou üna jada ch'ella es installada.

La pravenda e'l consistori ingrazchan a tuots pel sustegn da la lavur da CABOZ Action illa Côte d'Ivoire. Daplü infuormaziuns as chatta sülla pagina d'internet: [www.cabozaction.org](http://www.cabozaction.org).

## Di mundial d'urazchun – venderdi, 3 marz 2023

Il cult divin ha lö a las 16.45 illa baselgia catolica da Scuol.



La liturgia pel di mundial d'urazchun d'ingon es gnüda preparada da duonnas da Taiwan. Il tema da la liturgia da quist on es ün verset biblic our da la charta als Efesers: «Eu n'ha dudi da vossa cretta.» (Ef 1, 15)

In nossa regiun vain celebrà ün cult divin cun la liturgia dal di mundial d'urazchun als 3 marz a las 16.45 illa baselgia catolica da Scuol.

## Il di da schoppa ecumenic cumünaivel



dumengia, 19 marz 2023 ad Ardez

Il cult divin cun rav. Marianne Strub e'l ravarenda catholic Christoph Willa cumainza a las 11.10 in baselgia d'Ardez

El sta in connex culla campagna ecumenica annuala da «HEKS» e «Fastenaktion» cul tema «Güstia pel clima – uossa!». I'l center da la campagna da quist on sta la dumonda: Per chenün muond laina esser respunsabels? Davo il cult divin sun tuots invidats ad ün past cumünaivel.


## Maisas da giantar per tuots dad Ardez e Guarda

Las prosmas maisas da giantar han lö:

mardi, ils 7 favrer i'l hotel Alvetern

mardi, ils 7 marz i'l hotel Alvetern

mardi, ils 4 avrigl i'l hotel Alvetern



Annunzchas fin il plü tard il di avant la „maisa“ pro Erna Fontana, tel. 081 862 23 50.

Per giasts da Guarda vegn organisà il transport.

## Confirmaziun als 2 avrigl 2023



Dumengia da las Palmas, il di per la festa da confirmaziun, la conferma dal battaisem.

A tuottas confirmandas ed a tuots confirmands givüschaina forza, curaschi e furtüna sün lur via da vita.

Quist on vegnan confirmats:

Saskia Barbüda (Ardez)

Sedania Angelini (Zernez)

Ursina Bonorand (Guarda)

Michel Bazzell (Ftan)

Alia Franziscus (Guarda)

Sandro Vonlanthen (Ftan)

Ils cults divins festivs han lö a las 09.30 a Ftan ed a las 11.10 a Guarda

## Bunura da Pasqua, dumengia dals 9 avrigl

La vigilia tradiziunala da Pasqua, chi'ns maina "dal s-chür aint il cler" celebraina ingon a **Guarda**.

Il cult divin in baselgia sco eir suot tschèl avert cumainza la bunura a las 6.00. Davo es tuot cordialmaing invidà a la culazchun da Pasqua in chasa da scoula.



## Occurrenzas da noss progets:



- **In viadi: Viadi a Geneva dals 27-30 avrigl 2023**

L'ultima fin d'eivna d'avrigl ha lö ün viadi a Geneva per nossa raspada e per tuot la regiun. A Geneva giordaina la bella cità cun sias giassinas, baselgias, parcs e'l lai Lemman, visitaina organisaziuns internaziunalas sco la crusch cotschna e seis museum impreschiunant e natüralmaing laina eir ir a verer il temple de la Fusterie cha nossas raspadas han sustgnü tras la collecta da la refuorma 2021. Infuormaziuns seguan in mincha chasada, ed eir sün nossa pagina d'internet. Per ulteriuras infuormaziuns: Silvia Schlegel, 079 585 47 91

- **Il Sainin**

**Venderdi, ils 17 favrer e venderdi, ils 14 avrigl 2023**

**adüna tanter las 9.30 e las 11.00** illa sala cumünala ad Ardez.

Ün cordial invid a tuot ils uffants tanter 0 e 5 ons e lur genituors, nonas o bazegners da gnir a tadar ün'istorgia da la Bibla, giovar, zambriar e star da cumpagnia. Per ulteriuras infuormaziuns: Marianne Strub, 081 862 23 61



## Concert in baselgia ad Ardez

**Dumengia, 2 avrigl 2023 a las 17.00**

Musica veglia e jazz, cumposiziun ed improvisaziun, coral s'inscuntra cun tango, classica cun groove, instrumaints vegls cun clings novs.

**Volker Jaekel** – orgel da baselgia, portativ (orgel portabel)

**Gert Anklam** – saxofons, sheng (orgel da bocca chinais)

Volker Jaekel da Berlin ha concertà ad Ardez avant 25 ons, insembel cun sia duonna, «orgel a 4 mans e 4 peis»

Tuot es amiaivelmaing invidà. **Entrada libra / collecta**



## Radunanza generala

da la corporaziun evangelica Ardez-Ftan-Guarda

**mardi, 25 avrigl 2023 a las 20.00**

illa chasa da scoula a Guarda. La bannida cullas tractandas segua a temp ütil.

## Cinema baselgia

**Film «Die Schule der magischen Tiere» dumengia, 19 favrer 2023 a las 17.00**

illa baselgia dad Ardez

Ida sto far müdada. Ella sto ir davent da seis dachasa e da sia scoula. Ed impustüt: davent da sias amias ed amis. Illa nouva classa ha'la fadia. Ün bel di annunzcha la magistra, duonna Cornfield, cha mincha scolara e scolar survain pros mamaing üna bes-cha magica co accumpognamaint. Güsta ils outsiders Ida e Benni survegnan sco prüms lur nouvs cumpogns. Las bes-chas nu san be discuorrer, els han eir ün agen character. Ma ün di regna agitaziun, ün lader es in gir e lascha svanir chosas. Ils uffants e lur bes-chas van in tschercha dal malfattur.



*Dürada: 89 min. - Deutsch - Entrada libra/collecta – Liber a partir da 6 ons*

## Casualias in noss cumüns

### Battaisems:

ingüns

### Nozzas:

ingünas

### Mortoris:

Arturo Caflisch-Lötscher, 13.10.2022, Ftan

Anni Domenig-Moritz, 25.10.2022, Ftan

Jon Viletta-Meng, 15.11.2022, Guarda



## Adressas:

### Pravenda

Dna. rav. Marianne Strub,

Chasa da pravenda, 7546 Ardez

tel.: 081 862 23 61

e-mail: marianne.strub@gr-ref.ch

### Secretariat

tel: 081 860 34 10

[secretariat.pravenda@bluewin.ch](mailto:secretariat.pravenda@bluewin.ch)

[www.ardez-reformiert.ch](http://www.ardez-reformiert.ch)

